

CONVENIO DE COLABORACIÓN ENTRE A DEPUTACIÓN PROVINCIAL DE PONTEVEDRA E OS CONCELLOS DE ARBO, CRECENTE, O ROSAL E A GUARDA PARA MELLORAR A SINALIZACIÓN EXISTENTE MEDIANTE PANEIS INFORMATIVOS E COLOCACIÓN DE NOVAS BALIZAS DE GUIADO NO ANEL VERDE (REDE DE SENDAS) DO RIO MIÑO TRANSFRONTEIRIZO

DOCUMENTO ASINADO ELECTRONICAMENTE POR:

CONVENIO DE COLABORACIÓN ENTRE A DEPUTACIÓN PROVINCIAL DE PONTEVEDRA E OS CONCELLOS DE ARBO, CRECENTE, O ROSAL E A GUARDA PARA MELLORAR A SINALIZACIÓN EXISTENTE MEDIANTE PANEIS INFORMATIVOS E COLOCACIÓN DE NOVAS BALIZAS DE GUIADO NO ANEL VERDE (REDE DE SENDAS) DO RIO MIÑO TRANSFRONTEIRIZO

No Pazo Provincial, na data da sinatura electrónica

INTERVEÑEN

Dunha parte D. Uxío Benítez Fernández, na súa condición de Deputado de Cooperación Transfronteiriza e da AECT Rio Minho da Deputación de Pontevedra, actuando en virtude da Resolución Presidencial núm. 2023002528, de 28/03/2023, sobre delegación de atribucións da Presidenta relativas á tramitación do presente convenio.

Doutra, D^a. Ánxela Fernández Callís, na súa condición de Alcaldesa de O Rosal, actuando en virtude das facultades representativas que lle atribúe o artigo 21.1.b) da Lei 7/1985, de 2 de abril, Reguladora das Bases de Réxime Local.

Doutra, D. Horacio Gil Expósito, na súa condición de Alcalde do Concello de Arbo, actuando en virtude das facultades representativas que lle atribúe o artigo 21.1.b) da Lei 7/1985, de 2 de abril, Reguladora das Bases de Réxime Local.

Doutra, D. Julio César García Luengo, na súa condición de Alcalde do Concello de Crecente, actuando en virtude das facultades representativas que lle atribúe o artigo 21.1.b) da Lei 7/1985, de 2 de abril, Reguladora das Bases de Réxime Local.

Doutra, D. Antonio Lomba Baz, na súa condición de Alcalde do Concello de A Guarda, actuando en virtude das facultades representativas que lle atribúe o artigo 21.1.b) da Lei 7/1985, de 2 de abril, Reguladora das Bases de Réxime Local.

E dando fe do acto que se celebra D. Carlos Cuadrado Romay, Secretario Xeral da Deputación Provincial de Pontevedra.



As partes recoñécense con capacidade para a formalización do presente convenio, en base aos principios de colaboración, cooperación, coordinación e eficacia que deben presidir as actuacións das Administracións Públicas, e a estes efectos, de común acordo,

EXPOÑEN

I.- Que a Deputación busca garantir un equilibrio no territorio da provincia entre o medio rural e urbano, o interior e a costa, que permita o desenvolvemento económico da totalidade do territorio e que todos os cidadáns teñan unhas óptimas condicións de vida, con independencia do seu lugar de residencia, potenciando e apoiando a prestación de servizos por parte dos concellos, como Administración máis próxima ós administrados e como motor do desenvolvemento económico-social.

II.- O artigo 25.1 da Lei 7/1985, do 2 de abril, reguladora das bases do réxime local, dispón que o Municipio, para a xestión dos seus intereses e no ámbito das súas competencias, pode promover actividades e prestar os servizos públicos que contribúan a satisfacer as necesidades e aspiracións da comunidade veciñal nos termos previstos neste artigo.

III.- Pola súa parte, o artigo 36.1.d da Lei 7/1985, do 2 de abril, reguladora das bases do réxime local, atribúelle ás deputacións competencias para a cooperación no fomento do desenvolvemento económico e social e na planificación do territorio.

IV.- Os convenios entre as administracións públicas constitúen o instrumento adecuado para desenvolver a súa cooperación en cuestións de interese común, tal e como establecen os artigos 47 e seguintes da Lei 40/2015, de 1 de outubro, de réxime xurídico do Sector Público; o artigo 57 da Lei 7/85, de 2 de abril, reguladora das bases do réxime local e os artigos 198 e seguintes da Lei 5/97, de 22 de xullo, de Administración local de Galicia.

V.- No marco das actuacións para o desenvolvemento territorial da área transfronteiriza do Miño, a Deputación de Pontevedra participou no proxecto europeo 0044_VISIT_RIO_MINHO_1_P, cofinanciado nun 75% con fondos FEDER no marco do programa operativo de cooperación transfronteiriza España-Portugal (POCTEP) 2014-2020 INTERREG V A. Entre os obxectivos deste proxecto estaba a valorización da rede de sendas verdes do Rio Miño mediante accións concertadas de promoción, valorización e desenvolvemento do territorio común.

VI.- En data 13/12/2022, a Autoridade de Xestión do POCTEP comunicou a aprobación do proxecto 0784_VIVE_RIO_MINHO_1_P: *Promoción y dinamización del Anel Verde (red de senderos verdes del río Miño) a través de actividades transfronterizas para la preservación, cualificación y valorización ambiental*, presentado á sexta convocatoria de proxectos POCTEP 2014-2020 INTERREG V, do que é socio a Deputación de Pontevedra. O proxecto será cofinanciado nun 75% con fondos FEDER.

VII.- Na actividade 1 do dito proxecto está prevista a acción: *“Realización das conexións entre os sendeiros existentes necesarios para consolidar a estrutura do ANEL VERDE, mediante a sinalización dos novos tramos de conexión e a mellora na sinalización dos existentes”*.

As actuacións desenvolveranse nos concellos transfronteirizos de Crecente, Arbo, O Rosal e A Guarda e contan cun orzamento aprobado de 24.800 €, cofinanciados ao 75% con fondos FEDER.

En base a estes antecedentes, as partes acordan a subscripción do presente convenio, consonte as seguintes:

CLÁUSULAS

Primeira.- Obxecto.

O obxecto do presente convenio é articular as bases de colaboración entre a Deputación e os ditos Concellos para poder levar a cabo:

- **Deseño dos paneis interpretativos e das balizas de guiado.** Co obxectivo de implantar un modelo de panel unificado que indique a pertenza do elemento a destacar ou do sendeiro a percorrer, á rede de sendeiros verdes do Río Miño Transfronteirizo (Anel Verde). Para o deseño, terase en conta o manual de identidade visual da marca Río Miño (tipografías, cores, normas de uso...). O deseño das balizas de guiado, segundo permita colocar sobre elas o código QR dinámico e un elemento indicativo da pertenza do sendeiro á rede de sendeiros verdes do río Miño Transfronteirizo (marca Río Miño).
- **Fabricación, subministro e colocación de 12 paneis informativos.** Trátase de substituír os paneis existentes para colocar novos paneis nos que incluíranse, ademais da información sobre o elemento a sinalizar, códigos QR que permitan o enlace aos contidos dixitais de interese relacionadas co coñecemento e protección do medio

natural e da biodiversidade. Ademais, nos principais paneis das rutas de sendeirismo e BTT del territorio, incorporaranse adhesivos co QR dinámico con enlace a Wikiloc, onde se convida aos usuarios a seguir o recorrido, aportando seguridade ao usuario e mostrándolle outras rutas de similares características no territorio.

- **Colocación de 10 balizas para guiado** na senda que conecta o concello do Rosal co concello da Guarda.

Esta actuación englobase no proxecto europeo 0784_VIVE_RIO_MINHO_1_P, cofinanciado nun 75% con fondos FEDER no marco da 6ª convocatoria do programa operativo de cooperación transfronteiriza España-Portugal (POCTEP) 2014-2020 INTERREG V A.

Segunda.- Compromisos da Deputación

- 1) A Deputación asumirá a contratación das accións contidas na cláusula primeira por un importe máximo de **24.800,00 € (IVE incluído)**.
- 2) A Deputación promocionará as intervencións obxecto do convenio dentro do ámbito de comunicación do proxecto 0784_VIVE_RIO_MINHO_1_P
- 3) A Deputación intercambiará información cos Concellos de xeito que os faga partícipes das solucións técnicas escollidas no proxecto que garantan a súa viabilidade.

Terceira.- Compromisos dos Concellos.

Os concellos asinantes ten as seguintes obrigas:

- 1) Achea de información sobre os elementos de interese a sinalizar
- 2) Comprometese a tramitar, no seu caso, ante os organismos e administracións competentes as autorizacións pertinentes que fosen precisas para a colocación dos paneis.
- 3) Facilitar a relación dos bens e servizos afectados, asumindo as actuacións necesarias para o correcto desenvolvemento do proxecto.
- 4) Prestar a colaboración e facilitar canta documentación lle sexa requirida no exercicio das funcións de fiscalización e control do destino das axudas que lle corresponden á Intervención Provincial, ao Tribunal de Contas e ao Consello de Contas.



- 5) Unha vez colocados os paneis informativos e as balizas de sinalización, estes serán entregados ao concello correspondente, que será o titular dos mesmos e por tanto, responsable do seu mantemento e conservación nos vindeiros 5 anos.

Cuarta.- Financiamento.

Os investimentos necesarios para levar a cabo as actuacións serán financiados pola Deputación de Pontevedra pola contía total de **24.800,00 €** (IVE incluído). O orzamento desagregase no Anexo I do presente convenio.

O gasto imputarase á aplicación orzamentaria **23/942.4392.652.02**, “**Investimentos xestionados para Concellos**” do presente orzamento provincial.

As accións recollidas no presente convenio están recollidas no Formulario Financeiro aprobado do proxecto 0784_VIVE_RIO_MINHO_1_P, correspondente a acción 1.1 “*Realización das conexións entre os sendeiros existentes necesarios para consolidar a estrutura do ANEL VERDE, mediante a sinalización dos novos tramos de conexión e a mellora na sinalización dos existentes*”.

O proxecto enmarcase na Sexta convocatoria do POCTEP 2014-2020, nas accións de capitalización, polo que as accións obxecto deste convenio serán cofinanciadas nun 75% con fondos FEDER.

DEPUTACIÓN DE PONTEVEDRA (25%)	FONDOS FEDER 75% ESPAÑA-PORTUGAL POCTEP 2014-2020	TOTAL
6.200,00 €	18.600,00 €	24.800,00 €

Dado que no proxecto 0784_VIVE _RIO_MINHO_1_P recóllese para estas accións un orzamento a co- financiar de 24.800,00 €, no caso de que como resultado das licitacións se produzan baixas nas adjudicacións das contratacións, ditos importes empregaríanse no reforzo da sinalización aumentando o número de unidades (paneis) de xeito proporcional entre os concellos asinantes.



Este gasto, salvo que posteriormente se conceda unha prórroga para os proxectos aprobados na 6ª convocatoria do POCTEP 2014-2020, ten que estar efectivamente realizado e pagado o 30 de xuño de 2023.

Quinta.- Publicidade:

En calquera publicidade ou comunicación que realice calquera das administracións asinantes, estará obrigada a deixar expresa constancia que as actuacións contidas neste convenio son executadas pola Deputación, no marco do proxecto denominado *“Promoción y dinamización del Anel Verde (red de senderos verdes del río Miño) a través de actividades transfronterizas para la preservación, cualificación y valorización ambiental”* (0784_VIVE_RIO_MINHO_1_P), aprobado na Sexta convocatoria do POCTEP 2014-2020, que conta cun cofinanciamento do 75% de Fondos FEDER.

En todo caso, as accións a desenvolver ao abeiro do convenio, deberán garantir un alto impacto e visibilidade da colaboración entre os Concellos e a Deputación.

Por outra parte, en cumprimento do establecido na resolución de 10 de decembro de 2015, da Intervención Xeral da Administración, do Estado pola que se regula o proceso de rexistro e publicación de convocatorias de subvencións e axudas no Sistema Nacional de Publicidade de Subvencións, e, en aplicación dos principios recollidos na Lei 19/2013, de 9 de decembro, de transparencia, acceso á información pública e bo goberno, a Base de Datos Nacional de Subvencións operará como sistema nacional de publicidade das subvencións. A tales efectos e para garantir o dereito dos cidadáns a coñecer todas as subvencións convocadas en cada momento e cara a contribuír aos principios de publicidade e transparencia, a Intervención Xeral da Administración do Estado publicará na súa páxina Web as subvencións concedidas, segundo o establecido nos artigos 20.4 e 20.8.b da Lei 38/2003, de 17 de novembro, xeral de subvencións.

Sexta.- Compatibilidade con outras subvencións.

O contido deste convenio non será compatible con outras subvencións, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea e/ou organismos internacionais.



Sétima.- Comisión de Seguimento e Control.

Para o seguimento e control do presente convenio constituirase unha Comisión de seguimento mixta, integrada pola Presidenta da Deputación e os Alcaldes dos Concellos mencionados, ou persoas nas que deleguen, así como un representante de carácter técnico de cada administración.

Corresponderalle á Comisión de seguimento as seguintes funcións:

- Impulsar e avaliar o cumprimento deste convenio propoñendo as actuacións que se consideren precisas.
- Propoñer a interpretación, no caso de dúbida, do seu contido.
- Se xorden controversias na aplicación do convenio propoñerlles ás partes a súa resolución.
- A determinación das obrigas respecto das actuacións en curso no caso de extinción por causa distinta ó cumprimento da vixencia do convenio.
- As demais funcións que se lle atribúan neste convenio.

Esta comisión reunirse dentro do prazo de tres días, a contar dende a petición expresa realizada por calquera delas.

Oitava.- Remisión de información ao Tribunal de Contas e ao Consello de Contas.

As partes comprométense a remitir a documentación necesaria ao Tribunal de Contas e ao Consello de Contas en cumprimento do establecido no artigo 53 da Lei 40/2015, de 1 de outubro, de réxime xurídico do Sector Público e na R.P. de 2 de decembro de 2016 da Presidencia do Tribunal de Contas, pola que se publica o acordo do Pleno de 24 de novembro de 2016, polo que se aproba a Instrución relativa á remisión telemática ao Tribunal de Contas de convenios e de relacións anuais dos celebrados polas entidades do Sector Público local, todo elo no prazo e na forma establecidos ao efecto.

Novena.- Vixencia do convenio, prórroga ou modificación.

O presente convenio entrará en vigor na data da súa sinatura e terá vixencia ata o remate das actuacións obxecto do convenio. En todo caso, fíxase un prazo de vixencia do convenio ata o 30 de xuño de 2023.

Logo da solicitude previa dos concellos asinantes, realizada polo menos un mes antes da data indicada anteriormente, o convenio poderá ser prorrogado até un máximo de 3

meses por acordo expreso das partes, tomado antes de que expire a súa vixencia e logo dos informes previos preceptivos da unidade xestora, da Secretaría e da Intervención da Deputación. A concesión da prorroga estará condicionada á existencia previa dunha prórroga concedida pola Autoridade de Xestión do POCTEP, para estender o prazo de execución do proxecto 0784_VIVE_RIO_MINHO_1_P mais alo do 30 de xuño de 2023.

Tamén por acordo expreso de todas as partes e por causa debidamente xustificada, e despois dos mesmos informes indicados no apartado anterior, o convenio poderá ser obxecto de modificación.

Décima.- Resolución.

Ademais do cumprimento do prazo de vixencia, serán causas de resolución, o acordo unánime dos asinantes, o incumprimento das obrigas derivadas deste convenio, por decisión xudicial declaratoria de nulidade do convenio, e por calquera outra causa distinta das anteriores prevista no convenio ou noutras leis.

Undécima.- Réxime xurídico.

O presente convenio ten natureza administrativa e rexerase pola Lei 38/2003, de 17 de novembro, xeral de subvencións e o Real Decreto 887/2006, de 21 de xullo, polo que se aprobou o seu regulamento, nos seus preceptos básicos; a lexislación básica do Estado en materia de réxime local; a Lei 9/2007, de 13 de xuño, de subvencións de Galicia; os preceptos non básicos da Lei 38/2003 e do Real Decreto 887/2006; polos pactos que se conteñen neste convenio; as Bases de Execución dos orzamentos das Administracións asinantes e as restantes normas de dereito administrativo, e no seu defecto, as normas de dereito privado.

Os Concellos da Guarda, do Rosal, de Arbo, de Crecente, e a Deputación Provincial de Pontevedra, comprométese a resolver de maneira amigable calquera desacordo que poida xurdir no desenvolvemento deste convenio. Con todo, e no caso de aparición de discrepancias que non puideran resolverse a través da Comisión de Seguimento, será competente a Xurisdición Contencioso-Administrativa.



E en proba de canto antecede, as partes que interveñen asinan o presente convenio marco a un só efecto no lugar e data salientada no seu encabezamento.

O Deputado de Cooperación Transfronteiriça e da AECT Rio Minho,
Uxío Benítez Fernández

Polo Concello do Rosal,
Ánxela Fernández Callís

Polo Concello de Arbo,
Horacio Gil Expósito

Polo Concello de Crecente,
Julio Cesar Garcia Luengo

Polo Concello de A Guarda
D. Antonio Lomba Baz

O Secretario Xeral,
Carlos Cuadrado Romay



CONVENIO DE COLABORACIÓN ENTRE A DEPUTACIÓN PROVINCIAL DE PONTEVEDRA E OS CONCELLOS DE ARBO, CRECENTE, O ROSAL E A GUARDA PARA MELLORAR A SINALIZACIÓN EXISTENTE MEDIANTE PANEIS INFORMATIVOS E COLOCACIÓN DE NOVAS BALIZAS DE GUIADO NO ANEL VERDE (REDE DE SENDAS) DO RIO MIÑO TRANSFRONTEIRIZO

ANEXO I

ORZAMENTO

O orzamento da actividade é de 24.800,00 € coa distribución seguinte:

DESEÑO DE PANEIS INTERPRETATIVOS E DE BALIZAS	IMPORTE (IVE incluído)
TOTAL	3.655,00 €

FABRICACIÓN, SUMINISTRO E COLOCACIÓN 12 PANELES INFORMATIVOS		IMPORTE (IVE incluído)
O ROSAL	Colocación e/ou substitución de tres novos paneis/mesas informativos/as	4.537,50 €
A GUARDA	Colocación e/ou substitución de tres novos paneis/mesas informativos/as	4.537,50 €
ARBO	Colocación e/ou substitución de tres novos paneis/mesas informativos/as	4.537,50 €
CRECENTE	Colocación e/ou substitución de tres novos paneis/mesas informativos/as	4.537,50 €
TOTAL		18.150,00 €



COLOCACIÓN DE 10 BALIZAS DE GUIADO		IMPORTE (IVE incluído)
O ROSAL	Colocación de 5 balizas de guiado	1.497,50 €
A GUARDA	Colocación de 5 balizas de guiado	1.497,50 €
TOTAL		2.995,00 €

